



Broj: 07-03-14-25340-12/16  
Sarajevo, 29.08.2016. godine

Na osnovu člana 70. stav 1. Zakona o javnim nabavkama („Službeni glasnik BiH“ broj 39/14) ministar privrede Kantona Sarajevo, donosi

**ODLUKU**  
**o izboru najpovoljnijeg ponuđača**

**I**

Kao ekonomski najpovoljnija prihvata se ponuda ponuđača Kongresni servisni centar d.o.o. Sarajevo broj 01-08-25/16 od 25.08.2016. godine u postupku javne nabavke putem konkurentskog zahtjeva za dostavu ponuda, za „nabavku usluga organizovanja Međunarodne poslovne konferencije Kanton Sarajevo 2016“, broj obavještenja sa portala javnih nabavki 1044-7-2-6-3-4/16 od 12.08.2016. godine.

**II**

Odluka stupa na snagu danom donošenja.

**Obrazloženje**

Na osnovu ukazane potrebe za organizovanjem „Međunarodne poslovne konferencije Kanton Sarajevo 2016“, Ministarstvo privrede je Odlukom broj 07-03-14-25340/16 od 12.08.2016. godine pokrenulo postupak konkurentskog zahtjeva za dostavu ponuda. Ova javna nabavka planirana je u Planu nabavki Ministarstva privrede za 2016. godinu broj 07-03-14-3147/16 od 1.1.2016. godine i Izmjenama i dopunama Plana nabavki Ministarstva privrede za 2016. godinu broj 07-03-14-3147-1/16 od 25.05.2016. godine, pod rednim brojem 03.

Obavještenje o nabavci broj 1044-7-2-6-3-4/16 na portalu Agencije za javne nabavke objavljeno je dana 12.08.2016. godine, a Ugovorni organ je shodno članu 88. stav 1. Zakona o javnim nabavkama („Službeni glasnik BiH“ broj 39/14) dostavio poziv za učešće u postupku javne nabavke kompanijama: 1) Via Media d.o.o.; 2) Media Level d.o.o. i 3) Media Publicum d.o.o.


Rok za dostavu ponuda bio je zakazan za 26.08.2016. godine u 12,00 sati. Komisija za predmetnu javnu nabavku, imenovana Rješenjem broj 07-03-14-25340-1/16 od 12.08.2016. godine pristupila je otvaranju ponuda 26.08.2016. godine u 12,15 sati i ustanovila da je zaprimljeno ukupno pet ponuda za predmetnu nabavku i to od sljedećih ponuđača: 1) Media Level d.o.o.; 2) Media Publikum d.o.o.; 3) Via Media d.o.o.; 4) Mita Group d.o.o.; 5) Kongresni servisni centar d.o.o.



Nakon što je izvršila pregled i ocjenu ponuda, prema kriteriju ekonomski najpovoljnije ponude, Komisija je ustanovila da je ekonomski najpovoljnija ponuda ponuđača Kongresni servisni centar d.o.o. Sarajevo. U predmetnom postupku javne nabavke pomenuti ponuđač je dostavio prihvatljivu ponudu u skladu sa tenderskom dokumentacijom. Ponuđena ukupna cijena sa PDV-om iznosila je 19.022,09 KM i najniža je cijena od svih pet ponuda. Ponuđač je također ponudio rok realizacije usluga od 2 dana što je također najkraći ponuđeni rok realizacije usluga. Shodno navedenom, ponuđač Kongresni servisni centar d.o.o. osvojio je maksimalan broj bodova (100) i njegova ponuda je ocijenjena kao ekonomski najpovoljnija ponuda od svih prihvatljivih ponuda.

Za navedenu javnu nabavku predviđena su sredstva u Budžetu Kantona Sarajevo.

**Pouka o pravnom lijeku:** Protiv ove Odluke može se izjaviti žalba, najkasnije u roku od 5 (pet) dana od dana prijema iste.



Dostavljeno:

- Ponuđačima x5
- Evidencija
- a/a



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1

